



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Petri De Dusburg, Ordinis Teutonici Sacerdotis, Chronicon
Prussiae**

Petrus <de Dusburg>

Francofurti ; Lipsiae ; Regiom. Pruss., 1679

Cap. CLXXXII. De Expugnatione castris Sassoviae.

urn:nbn:de:hbz:466:1-11850

quadam fraude traditionis, voluit sub simulatâ specie boni eos decipere. Misit enim nuncios suos ad Commendatorem de Memelburgk, petens ab eo humiliter & devotè, ut cum armigeris suis veniret, & eum, qui cum totâ domo & familiâ vellet relicta Idololatriâ baptismi gratiam percipere deduceret violenter, quia non nisi in manu potenti evadere infidelium manus posset. Commendator auditâ hâc legatione gavisus est gaudio magno. Unde licet non posset habere plenam certitudinem facti, voluit tamen sub spe lucri tot animarum aggredi rem periculosam & dubiam propter Deum. Assumptis ergo fratribus quibusdam & armigeris processit, & in ira occurrit ei quidam vir, qui ipsum de traditione hujusmodi prævuniavit, asserens, quod dictus Sarrecka cum multis armatis, ut eum & fratres occideret, in itinere expectaret. Hoc audito Commendator non volens, quod idem Sarecka de tanta iniquitate commodum reportaret, circumveniens eum, improvisè irruit in ipsum, & aliis præ timore in fugam conversis, ipsum cum octo potentioribus de parte ipsius capiens deduxit. In primâ verò nocte dum fratres quiescerent in tentoriis suis, idem Sarecka, qui fortis erat robore, solvit se à vinculis, quibus ligatus stetit ad arborem, & arrepto gladio unum fratrem & tres armigeros interfecit, & alteri brachium amputavit, in qua pugna & ipse etiam est occisus.

CAP. CLXXXII.

De

Expugnatione castri Sassoviae.

FRater Conradus de Tierberg Magister hoc intellecto commotus est, & congregato exercitu valido mille quingentorum equi-

*Haimannus C. de Helderungen VIII. Mag. Gen. Ord. Teut.**Conradus à Tierberg Senior IX. Magister Provinc. Prussiae.*

equitum, aliis cum XV. navibus procedentibus circa castrum Scalovitarum Saffoviam convenerunt, & ad impugnationem ejus viriliter accedentes, ipsum post longam altercationem potenter expugnaverunt, & partim captis hostibus, aliis gladio trucidatis, in cinerem redegerunt.

CAPUT CLXXXIII.

De

Desolatione terræ Scaloviae.

Multa bella alia sunt gesta per Fratres contra Scalovitas, quæ tædiosum esset scribere. Postquam ergò potentiores terræ hujus Domini scilicet Surbanis, Svisdeta & Svedeta viderunt sibi Deum terribiliter offensum, & fratribus miro modo propitium, non audentes ultra Divinæ potentiae resistere, ad Christianos, relictâ paternâ hæreditate, successivè cum omni domo & familiâ suâ successerunt. Communis autem populus audiens, quod Duces exercitus sui, per quos bellum gerebatur, recessissent, subjecit etiam se fidei Christianæ. Sicque terra illa fuit sine habitatore multis annis.

CAP. CLXXXIV.

De

Apostasia III. Pruthenorum & captivitate Commendatorum de Christburg & Elbingo & familia eorum.

Cum ergo sub innumeris expensis & laboribus, infinitisque angustis ferocem illam gentem & indomitam Prutheno-

Ll 3

rum